



Broj: 03 – I / 11

Datum: 07.01.2011.god.

Mjesto: Sarajevo

O B A V J E S T

Ovom prilikom želimo obavjestiti naše članstvo, kao i ostale zaposlenike ŽFBiH koji nisu „zatrovani“, idejom o Vijeću zaposlenika, da se za 14.01.2011.god. planira provesti famozni plan Poslodavca – izbori za članove Vijeća zaposlenika.

Zato apelujemo na članstvo i sve razumne zaposlenike ŽFBiH, da se 14.01.2011.god. ne odazovu na pomenute izbore, jer je cilj Poslodavca da na ovaj način dobije devet „marioneta“ koje će bez imalo srama prodati interese radničke klase.

Pošto Poslodavac nije uspio „slomiti“ sindikate, sada to želi ostvariti putem Vijeća zaposlenika, a to je nezakonito umanjeње plata, umanjeње koeficijenata, otpuštanje zaposlenika, umanjeње radničkih prava itd.

Vjerovatno ste imali priliku ovih dana vidjeti na oglasnim pločama kako izgleda saradnja Vijeća zaposlenika i Poslodavca u slučaju „Prevent“ gdje radnica koja je obolila na radnom mjestu i koja je proglašena invalidom II kategorije dobija otkaz, jer joj Poslodavac navodno ne može obezbjediti odgovarajuće radno mjesto. Kršeći sve zakonske norme prilikom davanja otkaza „Prevent“ se „pokrio“ sramotnom saglasnošću tamošnjeg Vijeća zaposlenika.

Ako malo bolje sagledate, koji ljudi se fanatički zauzimaju za formiranje Vijeća zap. bit će Vam savršeno jasni pozadina i motiv takve namjere.

Članstvu SMS-a napominjemo, da ni po cijenu raznih pritisaka ne izlaze na izbore za Vijeće zap. jer je Odlukom Upravnog odbora sindikata još 15.08.2010.god. dato na znanje Poslodavcu, da ovaj sindikat ne želi formiranje Vijeća zaposlenika, jer je to suprotno interesima radničke klase.

Iskreno se nadamo da će svi zaposlenici ŽFBiH prepoznati šta se krije iza Vijeća zaposlenika i da će ignorisati pomenute izbore u režiji Poslodavca.



Predsjednik SMS-u FBiH

Vernes Buljugija



**SAMOSTALNI SINDIKAT IZVRŠNOG OSOBLJA
PODRUČJA INFRASTRUKTURE ŽFBiH
Put Života 2. 71000 Sarajevo**

Mostar, 31.12.2010 god.

Broj: 18-XII/10

Predmet: proglašavanje članstva SSIOPi ŽFBiH povodom inicijative za formiranje Vijeća Uposlenika.

Dana 07.10.2010 god. na ^{XIII} sastanku upravnog odbora SSIOPi ŽFBiH održanog u Sarajevu sa tadašnjim Predsjednikom Sindikata gosp. Ismailom Zejnelijem donesena je odluka da članstvo SSIOPi ŽFBiH daje suglasnost i potpise za inicijativu za formiranje Vijeća Uposlenika te je većina članstva dala svoje potpise.

Poslije izvjesnog vremena ispostavilo se da bi donesena odluka o suglasnosti za inicijativu za formiranje Vijeća Uposlenika na ovakav način i sa ovakvim inicijativnim odborom koji je postavljen od strane Uprave Društva mogla imati katastrofalne posljedice za cijelo izvršno osoblje.

Sagledavajući cjelokupnu situaciju u periodu od 07.10.2010 god. pa sve do danas kao i razne pritiske na uposlenike, mobinge, dezinformacije pa i prijetnje od strane pojedinih šefova i direktora područja prema uposlenicima, upravni odbor SSIOPi ŽFBiH je dana 26.11.2010 god. na svojoj II sjednici u novom sazivu sa novoizabranim predsjednikom gosp. Igorom Bobanom donio slijedeću odluku:

Samostalni Sindikat Izvršnog Osoblja ŽFBiH neće sudjelovati u formiranju Vijeća Uposlenika.

Apelujemo na članstvo SSIOPi ŽFBiH da poštuju odluku upravnog odbora SSIOPi ŽFBiH i da ne daju svoj potpis niti bilo kakve dokumente za inicijativu formiranju Vijeća Uposlenika. Ukoliko netko zloupotrijebi vaš potpis bez vaše suglasnosti o tome odmah obavijestite svoje sindikalne povjerenike koji će obavijestiti Ministarstvo Inspekcije Rada a ukoliko bude potrebno i nadležni sud preko našeg advokata/odvjetnika gđe. Maja Škoro.

S, poštovanjem.

Dostavljeno:

-oglasne table,

-a/a.

NE IZLAZITI NA IZBORE ZA
VJEĆE UPOSLENIKA 14. 01. 2011.



SAMOSTALNI SINDIKAT
ŽELJEZNIČKIH RADNIKA U BIH



SSSBiH



INTERNATIONAL
TRANSPORT WORKER
FEDERATION



EUROPEAN
TRANSPORT WORKER
FEDERATION

Put Života 2; 71000 Sarajevo, BiH
Tel/fax: +387 (0)33 - 52 37 04 i 52 19 79
e-mail: szbih@bih.net.ba

Broj / No: 5/11
Datum / Date: 11.01.2011.
Mjesto / Place: Sarajevo

OBAVJEŠTENJE

OBAVJEŠTAVAMO SVE ZAPOSLENE NA ŽELJEZNICAMA FEDERACIJE BIH DA NE UČESTVUJU U IZBORIMA ZA ČLANOVE "VIJEĆA ZAPOSLENIKA", KOJI SU ZAKAZANI ZA 14.01.2011. GODINE.

KONAČNO SE OVIH DANA OTKRILA NAMJERA UPRAVE PREDUZEĆA DA FORMIRANJEM VIJEĆA ZAPOSLENIKA, KOJE ĆE BITI POD NJENOM KONTROLOM, "ELIMINIŠE" SINDIKATE.

UPRAVA IMA NAMJERU DA MANIPULIŠE SA VIJEĆEM ZAPOSLENIKA KOJE ĆE DAVATI MIŠLJENJA I SAGLASNOSTI KOD OTKAZA, OTKAZA KOD UTVRĐENOG VIŠKA ZAPOSLENIKA, RASPOREĐIVANJA ZAPOSLENIKA IZ STANJA, DONOŠENJA PRAVILNIKA O RADU I DRUGO.

KAO DOKAZ GORE NAVEDENOG NAVODIMO ODREDBE ČLANA 20. ZAKONA O ZAPOSLENIČKOM VIJEĆU KOJE IZRIČITO KAŽE: "Članu Vijeća zaposlenika prestaje mandat prije isteka vremena za koje je izabran, ako to isključenje zatraži Poslodavac".

NASUPROT OVOME ČLANOM 10a ZAKONA O RADU POSLODAVCU JE **ZABRANJENO** DA SE MIJEŠA U POSLOVE SINDIKATA.

JOŠ JEDNOM VAS POZIVAMO DA NE UČESTVUJETE U FORMIRANJU POSLODAVČEVOG VIJEĆA ZAPOSLENIKA, JER ĆE SVAKI VAŠ IZLAZAK NA IZBORE IZBORNA KOMISIJA ZLOUPOTRIJEBITI.

KAO DOKAZ ZLOUPOTREBE IZBORNE KOMISIJE ZA VIJEĆE ZAPOSLENIKA JE AKT IZBORNE KOMISIJE OD 03.01.2011. GODINE NA KOME STOJI LISTA SVIH ZAPOSLENIKA PO DIJELOVIMA PREDUZEĆA SA "JMB" IAKO JE PREMA ZAKONU O ZAŠTITI LIČNIH PODATAKA STROGO ZABRANJENO OGLAŠAVANJE LIČNIH PODATAKA.

OČEKUJEMO DA ĆE SVI ZAPOSLENICI ŽFBiH PREPOZNATI ZAMKU POSLODAVCA I IGNORISATI ZAKAZANE IZBORE U NJEGOVOJ REŽIJI.

Dostavljeno:

- Sindikalnim organizacijama
- Oglasne table

PREDSTAVNIK UO SS ŽR U BIH



Muhir Spahić